



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 24. Juliani Epistolæ.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

tus maris deducta, ibi celeriter cremata sunt, cineresque in mare projecti, ne velut Martyrum Reliquiæ a Christianis honorarentur; quod quidem, saltem de cineribus Georgii, nullatenus timendum erat, quippe omnes sciebant, cædis ejus causam non fuisse Christianam Religionem, sed quod eum patrata crimina bonis omnibus execrabilem reddidissent. His non obstantibus, mors ejus Arianis S. Athanasium, & Catholicos calumniandi locum dedit.

Sæculum IV.
A. C. 362.

Epiph. hæc.

Sozom. V.
c. 7. Philost. VII.
c. 1.

§. XXIV.

Juliani Epistolæ.

Julianus, Alexandrinorum seditione comperta, iracundia ardens, tales ab eis pœnas exacturum, edixit, quales facinoris atrocitas postulare; sed aliam ei mentem propinqui ejus, præsertim Comes Julianus ejus cognatus, qui Præfectus Ægypti fuerat, indiderunt, nec gravius in eos animadvertit, quam quod Philosophicam reprehensionem scripserit in hunc modum: *Et si nulla vobis esset Reverentia Alexandri fundatoris vestri, aut potius Magni Serapidis, Dei vestri, quomodo communes humanitatis leges violastis? quomodo reverentia mei vos non cohibuit? mei, inquam! in quem Dii, & præsertim Magnus Serapis hujus universi Imperium contulerunt? cum me injuriarum,*

Am. XXII.
c. 2. Soz.
V. c. 7.

Epist. 10.

Sæculum IV. A. C. 362. *rum, vobis illatarum, iudicem appellare oportuisset, vindictæ cupiditate abrepti, illa ipsa flagitia admittere non puduit, quibus vos inimici vestri ad justam iracundiam provocaverant. Tum conquerendi de Georgio causas, quas habebant, affert, & subdit: Justissime igitur in hunc Deorum hostem irati, cum eum in iudicio accusare debuissetis, Sacram vestram Civitatem profanastis. Et deinde: Pro civem cives rabidorum canum more discerpistis, & fumantes humano sanguine manus ad Deos attollere audetis! at Georgius ita puniri merebatur; concedam hoc vobis, & adjiciam, forte graviores pœnam fuisse meritum, vos vero a carnificum officio abstinere oportebat. Leges habetis, quibus a vobis honor debetur, saltem publice. O vos felices! quod, me imperante, banc culpam admiseritis, ego enim vos affectu fraterno diligo, in Dei, (*) & agnati mei gratiam. Rigidus Princeps tanto malo remedium amarissimum tulisset, satis mihi est, vos verbis, nempe remedio, quo lenius esse non potest, corripere, mihi que persuasum habeo, vos mea bonitate commoveri, si vere Græca origine nati estis, & ab antiqua Majorum vestrorum nobilitate non degenerastis.*

Julia-

(*) Nempe Serapis. Interpres Protestantus hunc sensum non reddidit, sed alium, qui Fleuri non est.

Julianus sciens Georgii bona post cæ-
dem ejus fuisse direpta, ad Ecdicium Ægy-
pti Præfectum scripsit; curaret, ut libri
servarentur, *nam librorum*, inquit: *ab*
unguiculis studiosus sum, & scio Georgium
habuisse multos Philosophiæ, Rbetoricæ, &
impie Galilæorum Doctrinæ. Utinam
Galilæorum libros abolere possem! sed ne
unacum istis & alii utiliores perdantur,
omnes exactissime requirantur, & ad hunc
laborem, qui Georgio ab epistolis fuit, ad-
bibeatur; si fideliter imperata fecerit, in
præmium accipiat libertatem, sin minus,
verum in equuleo exprimatur. Novi, quos
libros Georgius habuerit, nam, cum in
Cappadocia essem, multos mihi mutuos de-
dit, ut transcriberentur, quos ei deinde
reddidi. Julianus hac super re etiam scri-
psit ad Porphyrium, Quæstorum in Ægy-
pto Præpositum, jubens, ut Georgii Bi-
bliothecam, quibuscunque posset modis,
colligeret, sibi que Antiochiam transmit-
teret.

§. XXV.

S. Athanasii reditus.

Sanctus Athanasius, sublato Georgio,
cum nihil amplius obstaret, Alexan-
driam rediit, postquam annis ferme se-
ptem latuerat, nempe a nona Februarii
anno 356. usque ad annum 362. circa
mensẽ Augustum. Ingressus ejus trium-
phi

Sæculum IV.
A. C. 362.Epist. 9.
Liban. pa-
neg. 12. 34.

Epist. 36.

Sup. I. XIII.
S. 28.
Greg. Naz.
or. 21. pag.
391.